

增註說

書有不必註者謂已顯明直捷反覆辨論之者有註也書有可
以註者謂宜發明書言以已意適合而註之也必後之間見與
前之間見同前書得後註理愈明而猶合轍若一斯可不誑惑
於世矣若觀者不知作者意如註參同契爲納甲註悟真篇爲
房術註楞嚴楞伽金剛法華以時文訓詁套語不能剖真修實
義各成門戶致有經自爲經註自爲註之斥出乖露醜則亦何
用註爲所以天仙正理直論既有仙佛合宗爲之註猶懼後人
妄註錯誤害超世之聖真吾堂弟真陽子又加註之予又輔之
同一師之學並四瞳之見而爲之者其合宗二註又皆出于錄

道藏輯要

天仙正理
註說

四

畢集四

者之手無非杜絕眾口之妄保全度世之真則後世不必畫足
於蛇倒屣於首令未來無極劫中皆不失性命根宗不遂超劫
慧命誠不謬註者之所賜也故亦誠之曰毋煩後註

天仙正理論註六萬餘言統二宗之綱目具兩藏之鑽越初不
少置一言令人不明而抱恨亦不多置一字令人歧想而懷疑
繼往聖以闢邪說開來學以正人心乃仙佛二宗之必不可無
而聖真之必不可不參究者曩誠齋陳先生門人沈應銓謝嗣
芳在蘇見鈔白各本字句互多舛錯每以不得印本較正付梓
爲憾今幸同門朱鼎復崔家玉偶於虎邱舊書賈處資請墨刻
而歸而嗣芳遂與善信沈之鼎等公梓之以此功德上副真人
度盡當世及未來際劫聖真共證仙佛自利利人之果於無極
板交姑蘇齊門內老君堂方丈黃清瑞珍藏接引後來仙佛種
子時

道藏輯要

天仙正理
序言

五

畢 四

大清康熙五十八年己亥仲春也